



Газета 1966 йил 1 июлдан чиқа бошлаган

ШАҲАР ИЖТИМОЙ-СИЁСИЙ КУНДАЛИК ГАЗЕТАСИ

№ 66 (12.127)

Баҳоси эркин нарҳда

ПОЙТАХТНИНГ БИР КУНИ

Бир куни

Маҳаллийлаштириш дастури — амалда



ИҚТИСОДИЙ САМАРАДОРЛИК ОМИЛИ

«Ўзбекистон темир йўллари» давлат акциядорлик компанияси тизимида темир йўл инфраструктураси ва коммуникациясини ривожлантириш мақсадида бунёдкорлик ишларига алоҳида эътибор қаратилмоқда. Бу жараёнда замонавий техника ва қурилиш материалларига талаб ортиб бораёттир. Шу боис компания Тошкент шаҳар Бектемир туманидаги «Бинокор темир-бетон сервис» корхонаси билан ҳамкорликда фаол иш олиб бормоқда.

«Бинокор темир-бетон сервис» корхонасида темир йўл линияларини электрлаштириш учун зарур темир бетонли устунлар ва уларнинг пойдеворларини ишлаб чиқариш яхши йўлга қўйилган. Корхонада ишлаб чиқарилаётган маҳсулотлар сифати хорижикидан

Мамлакатимизда изчиллик билан амалга оширилаётган маҳаллийлаштириш дастури ички бозорни рақобатбардош маҳсулотлар билан тўлдириш, иқтисодий таъминоти янада мустаҳкамлаш, саноат корхоналарининг салоҳиятини оширишда муҳим омил бўлмоқда.

асло қолишмайди. Таннархи эса нисбатан анча арзон. Айни пайтда корхонада электр контакт тармоқларини ушлаб турадиган темир-бетон устунлар ва уларнинг пойдеворларини ишлаб чиқарилмоқда.

Корхона жамоаси жорий йилда «Мароқанд-Қарши», «Қарши-Термиз» участкаларини электрлаштириш учун 14 мингдан ортиқ темир-бетон ус-

тунлари ва пойдеворларини ўз вақтида етказиб бериш учун астойдил меҳнат қилмоқда.

СУРАТДА: темир-бетон буюмлари ишлаб чиқариш корхонаси устаси (ўнгдан) Саидмаҳмуд Тошхўжаев корхона ишчиси Мухаммадали Саидов билан мулоқотда.

Мухаммад Амин (ЎЗА) олган сурат

Ўзбекистон Республикаси Вазирлар Маҳкамасида Республика ахборот-кутубхона тизими фаолиятини мувофиқлаштириш бўйича идоралараро кенгашнинг йиғилиши бўлиб ўтди. Унда Ўзбекистон Республикаси Президентининг 2012 йил 20 мартда қабул қилинган Алишер Навоий номидаги Ўзбекистон Миллий кутубхонаси – ахборот-ресурс маркази фаолиятини такомиллаштириш чоралари тўғрисидаги қарорида белгиланган вазифаларнинг ижросини таъминлаш масаласи кўриб чиқилди.

ИДОРАЛАРАРО КЕНГАШ ЙИГИЛИШИ

Йиғилишда турли хил ахборот-кутубхона жараёнларини интеграциялаш, ахборотга ишлов бериш ва Миллий кутубхона электрон маълумотлар базасига киритиш имкониятини яратиш орқали маълумотлардан кўп марта ва узоқ масофадан туриб фойдаланиш, ҳудудлар даражасидаги китобхоналарга хизмат кўрсатишнинг тезкорлигини ва сифатини ошириш масалалари кўриб чиқилди.

Ахборот-коммуникация технологиялари, чет тилларини эгаллаш ва қўллаш асосида кўрсатиладиган турли хизматлар ҳажмини ва сифатини ҳисобга олган ҳолда ходимлар меҳнати га ҳақ тўлаш ва рағбатлантириш тизимини такомиллаштириш, шу жумладан, ахборот-кутубхона фаолияти тармоқ классификаторидаги мавжуд лавозимларни қайта кўриб чиқиш ва янгиларини киритиш вазифалари муҳокама қилинди.

Миллий кутубхонанинг ички ва ташқи фондлардан турли хил ахборотларни тайёрлаш, киритиш ва тезкор тақдим этиш билан боғлиқ ахборот-кутубхона хизматлари номенклатурасини кенгайтириш чоралари белгилаб олинди.

Фойдаланувчиларнинг, шунингдек, ёшларнинг ахборотга бўлган эҳтиёжларини турли билим соҳала-

ри бўйича ҳар хил манбалардан махсус материалларни танлаб олишда методологик ёрдам кўрсатиш йўли билан қаноатлантириш, бунда ахборот-коммуникация технологияларидан кенг ва самарали фойдаланилишини таъминлашга алоҳида эътибор қаратилиши белгиланди.

Ушбу вазифаларни ўз вақтида ва сифатли бажариш бўйича аниқ топшириқлар ва муддатлар белгиланди, Алишер Навоий номидаги Ўзбекистон Миллий кутубхонаси – ахборот-ресурс маркази фаолиятини ташкиллаштириш бўйича бирламчи чоралар Дастурининг ижросини таъминлаш юзасидан режа-жадвали тасдиқланди.

Республика методик кенгаши ишини ташкиллаштириш ва ахборот-кутубхона муассасалари ишларини мувофиқлаштиришга оид вазифаларини белгилаш, иш регламенти ва режасини ишлаб чиқиш бўйича тегишли топшириқлар берилди.

Йиғилишда Ўзбекистон Республикаси Президенти томонидан мамлакатимизда ахборот-кутубхона ва ахборот-ресурс хизматларини янада ривожлантириш бора-сида кўйилган вазифалар ижросини тўлиқ амалга ошириш бўйича чора-тадбирлар белгилаб олинди, тегишли қарор қабул қилинди.

(ЎЗА)



МАМЛАКАТИМИЗДА

- Ўзбекистон Республикаси Олий Мажлиси Қонунчилик палатасида Меҳнат ва ижтимоий масалалар кўмитаси томонидан «Аҳолининг репродуктив саломатлигини муҳофазат қилиш ва унинг ҳуқуқий асосини яратиш — мустаҳкам оила гарови» мавзuida семинар ўтказилди. Унда қуйи палата депутатлари, тегишли вазирлик ва идоралар ходимлари иштирок этди.
- Ўзбекистон Республикаси Ички ишлар вазирлиги академиясида Сержантлар тарқибини тайёрлаш олий курси битирувчилари иштирокида тадбир ўтказилди. Унда ички ишлар идоралари, давлат ва жамоат ташкилотлари вакиллари, битирувчиларнинг ота-оналари ҳамда оммавий ахборот воситалари ходимлари иштирок этди.
- Хоразм вилоятида «Ўзбекистон маданияти ва санъати форуми жамғармаси», «Келажак овози» ёшлар ташаббуслари маркази, «Аёллар кенгаши» жамоат бирлашмаси ҳамда вилоят ҳокимлиги ҳамкорлигида «Биз — бир жамоа, биз — бир оила» деб номланган ёшлар акцияси ўтказилди. Мазкур акция истезодли ёшларни муносиб рағбатлантириш, билим ва дунёқарашини кенгайтириш, таълим муассасалари битирувчиларининг ишга жойлашишида яқиндан кўмаклашишга хизмат қилаётганлиги билан аҳамиятлидир.
- Дўстлик туманида фаолият бошлаган «Нодира чевар» хусусий корхонасида 10 турга яқин трикотаж маҳсулотлари ишлаб чиқариш ўзлаштирилди. Корхонамизнинг дастлабки қувватини ишга тушириб, кўрпатушак ва жилдлар, аёллар либослари, махсус кийим-бошлар, турли рўзгор буюмлари тайёрлай бошладик, — дейди корхона раҳбари Нодира Мелибоева. — Тез орада пайпоқ тўқиш линиясини ҳам ишга тушириш ҳаракатидамиз. Туманда ўтган йили кичик бизнес ва хусусий тадбиркорликни ривожлантириш учун 7 миллиард 696 миллион сўмлик банк сармоялари йўналтирилиб, 1839 та иш ўрни яратилди.

ЖАҲОНДА

- АҚШнинг Калифорния институти олимлари миокард инфаркти хуружнинг олдини олиш йўлини аниқладилар. Қон таҳлили натижасида икки ҳафта олдин хуружнинг юзага келиш вақти аниқланади ва унинг олдини олиш учун тегишли муолажалар амалга оширилади. Шифокор Эрик Тополнинг айтишича, миокард инфаркти юзага келишидан аввал қон таркибидеги деформациялашган эндотелия хужайралари миқдори ошади. Бу инфаркт хуружнинг илк даракчиси. Бугунги кунда дунёда йилга юз минглаб кишилар мазкур хасталик оқибатида ҳаётдан кўз юммоқда. Мутахассислар ушбу усул мазкур хасталикни енгиш борасидаги биринчи қадам бўлади, деб таъкидлашмоқда.
- Мексикада 6,3 магнитудали zilзила содир бўлди.
- БМТ ва Араб давлатлари лигасининг махсус вакили Кофи Аннан Хавфсизлик кенгаши йиғилишида ўзининг можарони тинчлик йўли билан ҳал қилиш режасини жорий этиш мақсадида 10 апрелга мuddат белгиланиши ҳақидаги ташаббусини қўллаб-қувватлашни таклиф этди.
- Душанба куни «Москва-Сити» ишбилармонлик марказидаги «Федерация» комплексига қурилаётган «Восток» биносининг 67-қаватида ёнгин чикди. Ёнгин икки қаватга — 66 ва 67-қаватларга тарқалди. Тилсиз ёв 300 квадрат метр майдонни эгаллаб олди. Ёнгин 20 та ёнгин-кутқариш командаси кучи билан бартараф қилинди. Шу билан бирга ёнгинни ўчиришда тўртта вертолёт ҳам қатнашди. «Москва-Сити» комплекси биносидеги ёнгинга осон ёнувчан материал устига ўрнатилган прожектор сабаб бўлган бўлиши мумкин.
- Сицилияда Этна вулканидан лава отилиб чиқа бошлади. Кўтарилаётган қулниқ баландлиги 3350 метрга етмоқда. Ҳозирги пайтда вулкон туфайли ҳаво кемалари ҳаракатининг тўхталиши хавфи унчалик катта эмас. Бугунги кунгача ундан фақат маҳаллий авиайўналишлар азият чекмоқда. Кул таркибиде майда тошлар, шиша зарралари, олтингугурт диоксиди, карбонат ангидрид каби газлар бор бўлиб, улар авиация двигателларига зарар етказиши мумкин.

Яқинда Германиянинг Майнц шаҳрида бўлиб ўтган «Reinland-Pfalz Ausstellung-2012» ярмаркасида Ўзбекистон Савдо-саноат палатаси делегацияси иштирок этди.

Қайд этиш жоизки, Райнланд-Пфальц федерал ўлкаси ҳукумати шафеълигида ҳар йили ўтказиладиган мазкур ярмарка Германиянинг барча федерал ўлкалари ҳамда турли соҳада фаолият юритадиган фирма ва компанияларнинг вакиллари қатнашадиган йирик анжуманлардан бири ҳисобланади.

Ярмарка иши доирасида намойиш этилган Ўзбекистон бўлмаши ранг-баранглиги ва ўзига хослиги билан меҳмонлар ҳамда тадбир иштирокчиларнинг алоҳида эътиборига сазовор бўлди.

Райнланд-Пфальц федерал ўлкаси бош вазири Курт Бек ва Майнц шаҳар обербургумистри вазифасини бажарувчиси, молия, сармоялар ва спорт маҳкамасининг раҳбари Гюнтер Бек мамлакатимиз бўлмаши билан атрофича танишди.

К.Бек мазкур ярмаркадаги иштироки учун Ўзбекистон томига ўз миннатдорлигини изҳор этар экан, ушбу тадбир доирасида ўтказилган мамлакатимиз тақдимоти ўзи раҳбар-

лик қилаётган федерал ўлка ишбилармон доираларининг вакиллариға ўзбекистонлик ҳамкасблари билан узоқ муддатли ҳамкорлик алоқаларини ўрнатиш учун муҳим омил бўлиб қола- жагини таъкидлади. Унинг фикрича, 2012 йил

GERMANIYADA ЎЗБЕКИСТОН ТАҚДИМОТИ

май ойида Майнц шаҳрида ўтказилиши режа-лаштирилаётган Ўзбекистон иқтисодий кун-лари ҳам Ўзбекистон ва ГФР ишбилармон до-иралари ўртасидаги алоқаларни янада ривож-лантириш ва чуқурлаштириш ишига хизмат қилади.

Ўз навбатида, **Рейнланд федерал ўлкаси-нинг Марказий ва Шарқий Европа мамла-катлари билан расмий ҳамкорлик маркази** ижрочи директори **Йорг Рамтнан** ҳам Ўзбе-кистон тенди билан танишар экан, юртимиз бўлмашига нисбатан бундай жиддий қизиқиш-

нинг сабаби ГФР ишбилармон доираларининг Ўзбекистон билан ўзаро манфаатли ҳамкор-ликни ривожлантиришга бўлган интилиши да-ражасининг юқорилигидан далолат беришини кайд этди.

Райнланд-Пфальц федерал ўлкаси Лан-дтаги (парламенти) депутати Вальтер Штруп Ранн-Майн минтақаси ишбилармон до-ираларининг вакиллари Ўзбекистон Респуб-ликаси билан икки томонлама савдо-иқтисо-дий ва сармоявий ҳамкорликни ривожланти-риш учун катта салоҳиятга эга эканлигини таъкидлади. Унинг фикрича, сайёҳлик, тиббиёт, хизмат кўрсатиш ва бошқа соҳалар замонавий босқичдаги икки томонлама ҳамкорликнинг ус-тувор йўналишлари бўлиб қол-моқда.

«Schuz exklusiv Reisen» сайёҳлик фирма-сининг раҳбари Марко Шуе ўзаро ҳамкор-ликни йўлга қўйиш учун Ўзбекистон фирма ва компаниялари билан алоқалар ўрнатишга кат-та қизиқиш билан қарайганини маълум қилди. «Ўзбекистон томонининг ҳамкорлик бўйича так-лифларини мамлакатинингизнинг минтақадаги маданий ва тарихий марказ сифатидаги ўрни ва аҳамиятини ҳисобга олган ҳолда ўрганиб чиқамиз», деди у.

«Жаҳон» АА Берлин

ҚИСҚА САТРАЛДАРДА

- ✓ **ТОШКЕНТ ШАҲАР ҲОКИМЛИГИНИНГ АХБОРОТ ХИЗМАТИ ВА ЎЗ МУХБИРЛАРИМИЗ ХАБАРЛАРИДАН.**
- ✓ **БУГУН** Ҳамза туман тиббиёт бирлашмасида «Қамолот» ЁИХ ҳамкорлигида Бутунжаҳон соғлиқни сақлаш куни олдиндан «Соғлом оила-

- дан соғлом жамият сари» номли тадбир ўтказилди.
- ✓ **ОЛМАЗОР** туманидаги 243-умумтаълим мактабида ўқувчилар ўртасида ўтказилаётган фан олимпиадасининг шаҳар босқичи бўлиб ўтди.
- ✓ **БУГУН** «Ўзбекистон» меҳ-

монхонасининг анжуманлар зали-да Фуқаролик жамияти шакллани-шини мониторинг қилиш мустақил институти ва Ўзбекистон мустақил босма ОАВлари ва ахборот агент-ликларини қўллаб-қувватлаш ва ривожлантириш жамоат фонди ҳамкорлигида «Ёшларнинг маъна-вияти ва билим даражасини оши-

- ришда ОАВнинг роли» мавзuida семинар ташкил этилди.
- ✓ **АЛИШЕР** Навоий номидаги Ўзбекистон Миллий кутубхонасида «Мустаҳкам оила йили» Давлат дастурини амалга оширишда ОАВнинг роли ва аҳамиятига бағишланган видеоконференция ўтказилди.

